

**গণপ্রজাতন্ত্রী বাংলাদেশ সরকার**

স্বাস্থ্য অধিদপ্তর  
মহাখালী, ঢাকা-১২১২  
[www.dghs.gov.bd](http://www.dghs.gov.bd)

তারিখ: ১৬-০৮-২০১৮খ্রিঃ

**১ম বর্ষ এমবিএসএস কোর্সে ভর্তির আবেদন আহ্বান (২০১৮-২০১৯ শিক্ষাবর্ষ)**

**সকল সরকারি ও বেসরকারি মেডিকেল কলেজ এর জন্য প্রযোজ্য**

২০১৮-২০১৯ শিক্ষা বর্ষে এমবিএসএস কোর্সে ভর্তির জন্য আবেদন বাংলাদেশ মেডিকেল এন্ড ডেন্টাল কাউন্সিল কর্তৃক প্রণীত নীতিমালা অনুযায়ী অনলাইনে নির্ধারিত ছকে এবং নিম্নলিখিত শর্তাধীনে আহ্বান করা হচ্ছে।

০১. বাংলাদেশের নাগরিক যারা ইংরেজি ২০১৫ বা ২০১৬ সনে এসএসসি বা সমমানের পরীক্ষায় এবং ইংরেজি ২০১৭ বা ২০১৮ সনে এইচএসসি বা সমমানের উভয় পরীক্ষায় পদার্থ, রসায়ন ও জীববিদ্যাসহ পরীক্ষায় উত্তীর্ণ হয়েছেন তারা ভর্তির আবেদন করার যোগ্য হবেন। ইংরেজি ২০১৫ সনের পূর্বে এসএসসি/সমমান পরীক্ষায় উত্তীর্ণ ছাত্র/ছাত্রীরা আবেদনের যোগ্য বলে বিবেচিত হবেন না।
০২. সকল দেশী ও বিদেশী শিক্ষা কার্যক্রমে এসএসসি/সমমান ও এইচএসসি/সমমান দুটি পরীক্ষায় মোট জিপিএ কমপক্ষে ৯.০০ হতে হবে।
০৩. সকল উপজাতীয় ও পার্বত্য জেলার অ-উপজাতীয় প্রার্থীদের ক্ষেত্রে এসএসসি/সমমান ও এইচএসসি/সমমান পরীক্ষায় মোট জিপিএ কমপক্ষে ৮.০০ হতে হবে। তবে এককভাবে কোন পরীক্ষায় জিপিএ ৩.৫০ এর কম হলে আবেদনের যোগ্য হবেন না।
০৪. সকলের জন্যে এইচএসসি/সমমান পরীক্ষায় জীববিজ্ঞানে (Biology) ন্যূনতম জিপিএ ৩.৫০ থাকতে হবে।
০৫. ১০০ (একশত) নম্বরের ১০০ (একশত)টি এমসিকিউ প্রশ্নের ১ (এক) ঘণ্টার লিখিত পরীক্ষা অনুষ্ঠিত হবে। লিখিত পরীক্ষায় বিষয় ভিত্তিক নম্বরঃ- জীববিদ্যা-৩০; রসায়নবিদ্যা-২৫; পদার্থবিদ্যা-২০; ইংরেজি-১৫; সাধারণ জ্ঞানঃ বাংলাদেশের ইতিহাস ও সংস্কৃতি-৬, আন্তর্জাতিক-৪।
০৬. ২০১৮-২০১৯ শিক্ষাবর্ষে এমবিএসএস/বিডিএস ভর্তি পরীক্ষায় পূর্ববর্তী বছরের এইচএসসি পরীক্ষায় উত্তীর্ণ পরীক্ষার্থীদের সর্বমোট (Aggregated) নম্বর (এসএসসি/সমমান পরীক্ষায় প্রাপ্ত জিপিএ এর ১৫ গুন + এইচএসসি/সমমান পরীক্ষায় প্রাপ্ত জিপিএ এর ২৫ গুন + ভর্তি পরীক্ষায় প্রাপ্ত নম্বর) থেকে ০৫ (পাঁচ) নম্বর কর্তন করে এবং পূর্ববর্তী বৎসরের সরকারি মেডিকেল বা ডেন্টাল কলেজ/ইউনিট এ ভর্তিকৃত ছাত্র/ছাত্রীদের ক্ষেত্রে মোট প্রাপ্ত নম্বর থেকে ০৭.৫ (সাত দশমিক পাঁচ) নম্বর কর্তন করে মেধা তালিকা তৈরি করা হবে। লিখিত পরীক্ষায় প্রতিটি ভুল উত্তর প্রদানের জন্য ০.২৫ নম্বর কর্তন করা হবে। লিখিত পরীক্ষায় ১০০ নম্বরের মধ্যে ন্যূনতম ৪০ নম্বর পেতে হবে। লিখিত পরীক্ষায় ৪০নম্বরের কম নম্বর প্রাপ্তরা অকৃতকার্য বলে গণ্য হবেন। শুধুমাত্র কৃতকার্য পরীক্ষার্থীদের মেধা তালিকায় অন্তর্ভুক্ত করা হবে।
০৭. এসএসসি ও এইচএসসি বা সমমান পরীক্ষায় প্রাপ্ত জিপিএ মোট ২০০ নম্বর হিসেবে নির্ধারণ করে নিম্নলিখিতভাবে মূল্যায়ন করা হবেঃ  
ক) এসএসসি/সমমান পরীক্ষায় প্রাপ্ত জিপিএ এর ১৫ গুন = ৭৫ নম্বর (সর্বোচ্চ)  
খ) এইচএসসি/সমমান পরীক্ষায় প্রাপ্ত জিপিএ এর ২৫ গুন = ১২৫ নম্বর (সর্বোচ্চ)
০৮. লিখিত ভর্তি পরীক্ষায় প্রাপ্ত নম্বর এবং অনুচ্ছেদ ০৭-এ বর্ণিত পদ্ধতিতে এসএসসি/সমমান ও এইচএসসি/সমমান পরীক্ষায় প্রাপ্ত নম্বরের যোগফলের ভিত্তিতে মেধা তালিকা প্রণয়ন করা হবে।
০৯. অনলাইনে আবেদন পূরণ করার সময় নির্দেশাবলী [www.dghs.gov.bd](http://www.dghs.gov.bd) ভালভাবে পড়ে বুঝে নির্দেশনা অনুযায়ী সতর্কতার সাথে পূরণ করতে হবে। পরীক্ষা ফিসের ১০০০/- (এক হাজার) টাকা শুধু Prepaid টেলিটকের মাধ্যমে জমা দিতে হবে।
১০. অনলাইনে আবেদন শুরু তারিখঃ ২৭-০৮-২০১৮খ্রিঃ, সোমবার (দুপুর ১২:০০ মিঃ)
১১. অনলাইনে আবেদনের শেষ তারিখঃ ১৮-০৯-২০১৮খ্রিঃ, মঙ্গলবার (রাত ১১:৫৯ মিঃ)
১২. প্রবেশপত্র বিতরণ (ডাউনলোড)ঃ ২৯-০৯-২০১৮খ্রিঃ, শনিবার (রাত ০৩-১০-২০১৮খ্রিঃ, বুধবার)
১৩. ভর্তি পরীক্ষার তারিখঃ ০৫-১০-২০১৮খ্রিঃ (শুক্রবার, সকাল ১০:০০টা হতে ১১:০০টা)
১৪. MBBS ভর্তির জন্য Online ফরম পূরণের নিয়মাবলী ও ভর্তি সংক্রান্ত বিস্তারিত তথ্য (detail instructions for applicant) website: <http://dghs.teletalk.com.bd>, স্বাস্থ্য ও পরিবার কল্যাণ মন্ত্রণালয়ের ওয়েবসাইট ([www.mohfw.gov.bd](http://www.mohfw.gov.bd)) এবং স্বাস্থ্য অধিদপ্তরের ওয়েবসাইট [www.dghs.gov.bd](http://www.dghs.gov.bd) হতে জানা যাবে।
১৫. আবেদনপত্র প্রক্রিয়াকরণ, নিরীক্ষা এবং চূড়ান্তকরণ কম্পিউটারের মাধ্যমে করা হবে।
- ১৬.১. বিদেশী শিক্ষা কার্যক্রমে এসএসসি/এইচএসসি এর সমমান পরীক্ষায় উত্তীর্ণ প্রার্থীরা তাদের মার্কস সীট সমূহ বাংলাদেশে প্রচলিত জিপিএতে রূপান্তর করে Equivalence Certificate সংগ্রহ করার পর অনলাইনে আবেদন করতে পারবেন। সেক্ষেত্রে তাদেরকে পরিচালক, চিকিৎসা শিক্ষা ও স্বাস্থ্য জনস্বাস্থ্য উন্নয়ন, স্বাস্থ্য অধিদপ্তর, মহাখালী, ঢাকা বরাবরে ২০০০/- (দুই হাজার) টাকার ব্যাংক ড্রাফট/পে-অর্ডারসহ আবেদন করে Equivalence Certificate সংগ্রহ করার সময় ID নম্বর নিতে হবে। (Equivalence Certificate সংগ্রহ করার জন্য এসএসসি/এইচএসসি এর সমমান পরীক্ষার মূল মার্কস সীট ও সনদপত্র [প্রযোজ্য ক্ষেত্রে] এবং মার্কস সীট ও সনদপত্রসমূহের সত্যায়িত কপি সাথে আনতে হবে)।
- ১৬.২. বাংলাদেশের নাগরিক যারা বিদেশ থেকে এসএসসি এবং এইচএসসি এর সমমান পরীক্ষায় উত্তীর্ণ হয়েছেন, তাদের মার্কসসমূহ সংশ্লিষ্ট দেশের বাংলাদেশী দূতাবাস/বাংলাদেশে অবস্থিত সংশ্লিষ্ট দেশের দূতাবাস এবং পররাষ্ট্র মন্ত্রণালয়, ঢাকা, বাংলাদেশ কর্তৃক সত্যায়িত করাতে হবে, অন্যথায় Equivalence Certificate দেওয়া যাবে না।
১৭. মুক্তিযোদ্ধা ও উপজাতি/পার্বত্য জেলার অ-উপজাতীয় কোটায় আবেদনকারী প্রার্থীদের যথাক্রমে মুক্তিযোদ্ধা ও উপজাতি/পার্বত্য জেলার অ-উপজাতীয় স্মারক নম্বর/সনদের নম্বর ও তারিখ অনলাইন আবেদনে এন্ট্রি করতে হবে, স্মারক নম্বর/সনদের নম্বর ও তারিখ ছাড়া উল্লেখিত কোটাসমূহে অনলাইন এন্ট্রি হবে না।
১৮. নির্বাচিত প্রার্থীদের দেয়া তথ্য অসম্পূর্ণ অথবা ভুল প্রমাণিত হলে, তার ভর্তি বাতিল বলে গণ্য হবে।
১৯. ভর্তি সংক্রান্ত যে কোন বিষয়ে ভর্তি কমিটির সিদ্ধান্তই চূড়ান্ত বলে বিবেচিত হবে।

অধ্যাপক ডাঃ মোঃ আব্দুর রশিদ  
পরিচালক, চিকিৎসা শিক্ষা ও স্বাস্থ্য জনস্বাস্থ্য উন্নয়ন  
স্বাস্থ্য অধিদপ্তর, মহাখালী, ঢাকা

জিডি-১৯৯৫

ফোনঃ ৯৮৪৫৪০০, ফ্যাক্সঃ ৯৮৮৬৬১২